



JU Bosanski kulturni centar Kantona Sarajevo
Branilaca Sarajeva 24, 71000 Sarajevo
IDB: 4202093300005

Na osnovu člana 29. i 31. Zakona o ustanovama („Službeni list RBiH“, br. 6/92, 8/93, 13/94), člana 22. (1), 26., 27. i 54. (1) Zakona o obligacionim odnosima („Službeni list RBiH“, br. 2/92, 13/93 i 13/94), člana 87. i 90. Zakona o javnim nabavkama Bosne i Hercegovine („Službeni glasnik BiH“, br. 39/14) člana 1. i 14. Odluke o spajanju javnih ustanova kulture u Javnu ustanovu „Bosanski kulturni centar Kantona Sarajevo“ („Službene novine Kantona Sarajevo“, br. 37/14, 44/17 i 11/19-prečišćeni tekst) i člana 45. 46. Pravila JU BKC KS (br. 1128-01-1/18) dana 14.09.2020. godine, zaključuje se

UGOVOR

Između

Javne ustanove Bosanski kulturni centar Kantona Sarajevo, ul Branilaca Sarajeva br.24, IDB 4202093300005, koju zastupa v.d. direktor Edina Arnautović (u daljem tekstu: Naručilac usluge)

i

Udruženja „INART“, ul. Branilaca Sarajeva br. 20., 71000 Sarajevo, IDB 4202042060000, kojeg zastupa Eldar Muhić (u daljem tekstu : Ponudač/Isporučilac usluge)

I Predmet ugovora

Član 1.

- (1) Predmet ovog Ugovora je nabavka usluga Foto,video i audio produkcije za Naručioca usluge, za potrebe Javne ustanove Bosanski kulturni centar Kantona Sarajevo (u daljem tekstu: Usluge), shodno postupku dodjele ugovora iz člana 8. Zakona o javnim nabavkama Bosne i Hercegovine („Službeni glasnik BiH“, br. 39/14) i prema Ponudi Isporučioca usluge broj: 20/001 od 07.09.2020. godine, koja čini sastavni dio ovog Ugovora.
- (2) Isporučilac usluge se obavezuje:
 - a) Obezbjediti adekvatnu Uslugu shodno Ponudi a na osnovu zahtjeva/narudžbenice Naručioca usluge;
 - b) Za pomenute Usluge ispostaviti fakturu Naručiocu usluge.
- (3) Naručilac usluge se obavezuje:
 - a) Naručiti Uslugu prema ponudi Isporučioca usluge.
 - b) Na vrijeme dostaviti zahtjev/narudžbenicu Isporučiocu usluge za nabavku usluga medija za potrebe JU BKC KS;
 - c) U dogovorenom roku platiti fakuturu-e za pomenute Usluge Isporučiocu usluge.



II Cijena

Član 2.

- (1) Ukupna cijena za Usluge iz člana 1. ovog Ugovora iznosi **5.000,00 KM** (slovima: pethiljada i 00/100 konvertibilnih maraka).
- (2) U navedeni iznos iz prethodnog stava nije uključen porez na dodanu vrijednost (PDV) od 17%.

III Rok izvršenja

Član 3.

Isporučilac usluge se obavezuje isporučiti Usluge iz člana 1. ovog Ugovora na način preciziran narudžbenicom od Naručioca usluge tokom 2020. godine.

IV Rok i način plaćanja

Član 4.

Naručilac usluge se obavezuje platiti Uslugu iz člana 1. ovog Ugovora u roku do 30 (trideset) dana od dana ispostavljanja fakture koju je obavezan ispostaviti Isporučilac usluge.

V Ostale odredbe

Član 5.

U slučaju propusta Isporučioca usluge u izvršavanju Ugovora, Naručilac usluge može uz dostavljanje Isporučiocu usluge pismene obavijesti o neizvršavanju ovog Ugovora prekinuti ugovorni odnos u cjelini ili u njegovom dijelu.

Član 6.

Ako slučaj više sile potpuno ili djelomično spriječi izvršenje obaveza po ovom Ugovoru, ugovorna strana je obavezna obavijestiti drugu stranu u roku od 2 (dva) dana od dana nastanka više sile.

Član 7.

Ugovorne strane su saglasne da će sve eventualne izmjene i dopune ovog Ugovora regulisati njegovim Anexima.

Član 8.

Sve eventualne sporove ugovorne strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.



JU Bosanski kulturni centar Kantona Sarajevo
Branilaca Sarajeva 24, 71000 Sarajevo
IDB: 4202093300005

Član 9.

Ovaj Ugovor stupa na snagu danom obostranog potpisa ugovornih strana po ovlaštenim licima.

Član 10.

Sve izmjene i dopune ovog Ugovora mogu se vršiti isključivo i samo uz pismenu saglasnost ugovornih strana.

Član 11.

Sastavni dio ovog Ugovora čini:

1. Ponuda broj: 20/001 od 07.09.2020. godine.

Član 12.

Ovaj ugovor je sačinjen u 4 (četiri) jednaka primjeraka od kojih Naručilac usluge zadržava 2 (dva), a 2 (dva) primjerka se uručuju Isporučiocu usluge.

Za JU BKC KS

(Naručilac usluge)

V.D. DIREKTOR

Edina Arnautović



Broj: 11-4-846-2/20

Sarajevo, 14.09.2020. godine



Za Udruženje „INART“

(Isporučilac usluga)

Eldar Muhić

